0.0.1 khandhasuttam

0. sāvatthiyam

- 1. rūpam bhikkhave, aniccam viparināmi aññathābhāvi. vedanā aniccā viparināmī aññathābhāvi, saññā aniccā viparināmi aññathābhāvi, saṃkhārā aniccā viparināmi. aññathābhāvi, viññāṇam aniccam viparināmī aññathābhāvi.
- 2. yo bhikkhave, ime dhamme evam saddahati adhimuccati ayam vuccati saddhānusārī okkanto sammattaniyāmam, sappurisabhūmim okkanto, vitivatto puthujjanabhūmim, abhabbo tam kammam kātum yam kammam katvā nirayam vā tiracchānayonim¹ vā pettivisayam vā upapajjeyya, abhabbo'va tāva kālam kātum yāva na sotāpattiphalam sacchikaroti.
- 3. yassa kho bhikkhave, ime dhammā evam paññāya mattaso nijjhānam khamanti, ayam vuccati dhammānusārī okkanto sammattaniyāmam, sappurisabhūmim okkanto, vitivatto puthujjanabhūmim, abhabbo tam kammam kātum yam kammam katvā nirayam vā tiracchānayonim vā pettivisayam vā upapajjeyya, abhabbo'va tāva kālam kātum yāva na sotāpattiphalam sacchikaroti.

¹tiracchānayonīyam - sī 1, 2. pts page 228

4. yo bhikkhave, ime dhamme evam jānāti. evam passati, ayam vuccati sotāpanno avinipātadhammo niyato sambodhiparāyano'ti.